



# Alkoholpolitiske retningsliner Vinje kommune 2020 - 2024

## Innholdsfortegnelse

Innleiing .....	3
Lovgrunnlaget.....	3
1. Alkoholgrupper.....	3
2. Aldersgrenser: .....	3
3. Tildeling av sals- og skjenkeløyver.....	4
Skjenkeløyve.....	4
4. Sals- og skjenketider.....	4
4.2 Skjenking.....	4
5. Skjenkestyrar .....	5
6. Gjennomføring av kunnskapsprøve om alkohollova.....	5
7. Skjenkeareal: .....	6
8. Overdraging av løyve.....	6
9. Gebyr for sal og skjenking: .....	6
10. Sanksjonar ved brot på lov og forskrift. ....	6
11. Internkontroll .....	7
12. Delegasjon av mynde: .....	7

## Innleiing

Dei alkoholpolitiske retningslinene skal sikre ansvarleg alkoholhandtering ved å

- regulere tilgjenge
- sette vilkår for sals- og skjenkeløyve
- føre kontroll med løyvehavarane.

Kommunen sine retningsliner tek utgangspunkt i lov og forskrift, i tillegg til kommunale alkoholpolitiske prioriteringar slik dei kjem fram i rusmiddelpolitisk handlingsplan.

## Lovgrunnlaget

*Lov om omsetning av alkoholhaldig drikk mv. (Alkoholova)* regulerer tilgangen på alkoholvarer, mellom anna gjennom ordninga med løyve, fastsetjing av vilkår for sal og skjenking og kontroll med løyvehavarane. *Forskrift om omsetning av alkoholholdig drikk mv. (alkoholforskrifta)* legg rammer for omsetjing, løyve, skjenking og sanksjonar.

Det er krav om løyve for all omsetjing av alkohol. Kommunen regulerer mykje av den legale tilgangen av alkohol til forbrukarane gjennom sin praksis for vedtak om sals- og skjenkeløyve.

### 1. Alkoholgrupper

Alkoholfri drikk:	drikke med < 0,7% alkohol
Alkoholsvak drikk:	drikke med mellom 0,7 og 2,5% alkohol
Alkoholhaldig drikk	Gruppe 1: mellom 2,5% og 4,7% alkohol Gruppe 2: mellom 4,7% og 22% alkohol Gruppe 3: mellom 22% og 60% alkohol

### 2. Aldersgrenser:

Drikk med < 0,7% alkohol:	ingen aldersgrense
Drikk med < 22% alkohol:	18 år
Drikk med >22% alkohol	20 år

--	--

### 3. Tildeling av sals- og skjenkeløyver

Salsløyve:

- Daglegvareforretningar søker eige løyve for sal av alkohol i Gruppe 1.
- Vinmonopolutsalet skal ha løyve til å selje både sterkøl, vin og brennevin. Løyve blir gjeve inntil vidare.

#### Skjenkeløyve

Alle som søker om fast skjenkeløyve må ha godkjend serveringsløyve.(jfr merknader til Alkohollova 1.4a.3 og §2 i serveringslova) Løyvet gjeld for eit særskild lokale og ei særskild type verksemd. Løyvet kan for eit enkelt høve- etter søknad, utvidast til å gjelde også utanfor det skjenkeområde som er godkjend.

Kva verksemdar som kan få skjenkeløyve går fram av alkohollova.

Kommunen har 10 ambulerande løyve. Ambulerande skjenkeløyve kan gjevast til slutta selskap jf alkohollova §4-5.

Tidsavgrensa skjenkeløyve kan gjevast til einskilde opne tilskipingar for eit enkelt høve i opp til 10 dagar (t.d. vinterferie / påskeferie). Dei tidsavgrensa skjenkeløyva skal utførast innanfor avgrensa område og med 18 års aldersgrense

### 4. Sals- og skjenketider

#### 4.1. Sal

**Alkoholpolitiske retningsliner 2020 - 2024 Kap 4 – Sals og skjenketider blir endra slik:**

- Sal og utlevering av alkoholhaldig drikk gruppe 1 kan skje frå kl. 08.00 – 20.00.
- På dagar før son- og heilagdagdar skal salet opphøyre kl. 18.00. Dette gjeld ikkje dagen før Kristi Himmelfartsdag.
- Sal og utlevering av drikk som nevnt i første ledd skal ikkje skje på son- og heilagdagdar, 1. og 17. mai.

Sal frå AS Vinmonopolets utsal kan skje fra kl. 08.30 til kl. 18.00. Dette gjeld ikkje dagen før Kristi Himmelfartsdag. Salstid skal elles ikkje vere lenger enn for annan alkoholhaldig drikk i kommunen.

#### 4.2 Skjenking

I medhald av alkohollova og hotelllova av 3. juni 1983 med forskrifter har kommunen slike skjenketider for alkohol i Gruppe 1,2 og 3:

- Skjenking av alkohol i Gruppe 1 og 2 frå serverings- og skjenkestader med slikt løyve, er tillatt i tidsromet kl. 12.00 – 02.00.
- Skjenking av alkohol i Gruppe 3 frå serverings - og skjenkestader med slikt løyve, er tillatt i tidsromet kl. 16.00 – 02.00.

Skjenking på overnattingsstader, turist- og høgfellshotell:

- Skjenking av alkohol i Gruppe 1 og 2 er tillatt i tidsromet kl. 12.00 – 02.00
- Skjenking av alkohol i Gruppe 3 er tillatt i tidsromet kl. 13.00 – 02.00.

I særlege tilfelle (td. bryllaup) kan kommunen dispensere frå skjenketidene med dei avgrensingar som fylgjer av lova.

Konsum av utskjenka alkoholhaldig drikke må opphøyre seinast 30.min etter skjenketida har opphøyr og gjester må forlate lokalet.

For overnattingsgjester kan det skjenkast alkohol i Gruppe 1 og 2 utan avgrensingane over. Dette føreset at skjenking til overnattingsgjester skjer utanfor overnattingsstaden sine ordinære skjenkestader (t.d. i resepsjon eller på rommet i form av minibar). Det må koma fram av løyvet at det gjeld to ulike slag gjester; dei som overnattar og dei som ikkje gjer det (jf. merknader til Alkohollova 4.4.6.)

Musikk og anna støy som ein kan styre, må opphøyre ved uteservering kl.23.00 på kvardagar før vanleg arbeidsveke og sundagar, og kl.24.00 på fredag og laurdag. Kommunen kan i særlege høve gje dispensasjon frå desse reglane.

## 5. Skjenkestyrar

Skjenkestyrar og varaskjenkestyrar med løyve må vera tilsett i verksemda eller arbeide der i kraft av ei eigarstilling. Som skjenkestyrar kan ein berre peike ut ein som har styringsrett over sal eller skjenking og ansvar for å føre tilsyn med utføring av løyvet.

Kommunen skal godkjenne skjenkestyrar og varaskjenkestyrar i tråd med dei krav som fylgjer av lova.

Både skjenkestyrar og vara-skjenkestyrar må vere over 20 år.

## 6. Gjennomføring av kunnskapsprøve om alkohollova

Alle styrarar og vara - styrarar i verksemder som har, eller som søkjer om kommunalt sal - og skjenkeløyve, skal ha gjennomført kunnskapsprøve om alkohollova i samsvar med forskrift fastsett av Sosial- og helsedepartementet.

Prøvestad i kommunen er Tenestetorget.

## 7. Skjenkeareal:

Ved endring av skjenkearealet, må det søkjast om dette. Gjester kan ikkje ta medbrakt drikke inn i skjenkelokalet.

## 8. Overdraging av løyve

Ved overdraging av verksemda eller ein dominerande del av aksjane, fell løyvet bort.

Ny eigar kan drive midlertidig på det gamle løyvet i inntil 3 månader etter overdraging på fylgjande vilkår:

- Kommunen har fått melding om overdraging før det skjer
- Ny eigar søker om nytt løyve seinast 30 dagar etter overtaking
- Skjenke- og vara-skjenkestyrar har godkjend kunnskapsprøve

## 9. Gebyr for sal og skjenking:

Avgifter for sal av alkohol i Gruppe 1 og skjenking av alkohol i Gruppe 1,2 og 3, skal krevjast inn for eitt år om gongen på grunnlag av forventa omsett alkoholmengde, jfr. Forskrift om omsetning av alkoholholdig drikk mv (alkoholforskriften) Satsar fylgjer av forskrifta og blir justert årleg.

## 10. Sanksjonar ved brot på lov og forskrift.

Kommunen har ansvaret for å føre kontroll med at løyvehavar forvaltar sitt løyve forsvarleg og at internkontroll ved sals- og skjenkestadene blir ført forsvarleg. Sanksjonar fylgjer av alkoholforskrifta kap 10.

Løyvehavar som har fått prikkbelastning, vil ikkje automatisk få fornya løyvet for ny fireårsperiode, og må søke på nytt.

Ved prikkbelastning får løyvehavar melding om å rette opp tilhøva innan 2 veker. Om ikkje mangelen er retta innan fristen/neste kontroll får løyvehavar ny prikkbelastning.

Ved 8 prikkar i løpet av eit år, skal løyvet bli inndratt for ein periode.

Om tildeling av prikkar fører til inndraging av løyve, skal kommunen sende ut førehandsvarsel jf Forvaltningslova § 16. Iverksetting av inndraging bør skje innan fire veker etter at varsel er gitt.

Andre tilhøve som kan medføre inndraging av løyve:

- Manglande innsending av revisorbekrefta omsetjingsoppgåve eller betaling av gebyr for løyve jf kommunens frist inntil betaling føreligg. Ved gjentekne brot på retningslinene om dette kan inndraging bli varig.
- Sal av smuglarvarer og bruk av ulovleg arbeidskraft.

Ved brot på straffeloven, er det politiet som har mynde til å gje sanksjonar.

- Andre tilhøve som kan føre til inndraging – sal av smuglarvarer, openbar omsetnad av narkotika, der dette er openbart for løyvehavar og bruk av ulovleg arbeidskraft.

## 11. Internkontroll

- Alle sals- og skjenkestader med fast løyve skal ha internkontrollsystem som stettar alkohollovas krav.
- Internkontrollsystemet skal synast fram til kontrollør ved førespurnad.

## 12. Delegasjon av mynde:

**Kommunestyret** gjer vedtak om faste bevillingar for kommunestyreperioden (4 år) under føresetnad av at alkoholpolitikken er drøfta innan 30. september året etter konstituering.

**Oppvekst og velferdsutvalet** har rett til å ta avgjerd i saker om:

- Søknader om sal - og skjenkeløyve i perioden (mellom hovudtildelingane).
- Permanent utviding av skjenkestader.
- Flytting til nye lokale.
- Endring av driftsform
- Inndraging av løyve
- Inndraging av løyve der løyvehavar har oppnådd meir enn 8 prikkar i løpet av eit år.

**Rådmannen** (ved Helse og omsorg) er delegert ansvaret for:

- Tildeling av, og oppfylgning av prikkbelastning med konsekvensar jf retningslinene
- Avgjerd i saker om tidsavgrensa løyve for inntil ti dagar.
- Godkjenne ny skjenkestyrar og varaskjenkestyrar ved skifte i løyveperioden.
- Godkjenne utviding av skjenkelokale for eit enkelt høve.
- Å godkjenne dispensasjon frå dei kommunale skjenketidene i einskildhøve.
- Avgjere saker om ambulerande skjenkeløyve til slutta selskap.
- Å registrere og vedlikehalde opplysningar i Bevillingsregisteret på <http://www.helsedirektoratet.no>
- Å informere politi og kontrollør ved tap av løyve.